

來去屏東海生館蹣一暝

陳惠君

歇熱，是做學生上期待的，逐家講著歇熱攏嘛是歡頭喜面。不而過，這馬熱天的氣溫有夠懸，磕袂著就三十七度，強欲共人爇甲昏昏去。出門無十分鐘，汗就流甲規身軀黏黏，想著按呢就予人干焦想欲覘佇咧冷氣房內底。

毋過，規個月攏踎厝裡嘛足無聊的，當咧想講欲去有冷氣的所在行行咧，就遮爾仔拄好，阿姨敲電話來，約我佻幾個表兄弟鬥陣來去屏東海生館蹣一暝。我問阿母敢會使予我去，阿母隨應好，我越頭就共阿母咬一下。彼站仔阿母叫我創啥物，我就乖乖仔緊去共代誌做予好勢。隔轉工，阮就開始討論欲蹣佗一區。因為拄著歇熱，上衝的海底磅空，早就賣了了矣，別搭嘛是賭一寡仔位爾爾。後來，阮選擇的是猶閣賭較濟位的臺灣水域館。

總算等到欲來去屏東海生館的彼一工，逐家做伙坐一台車落去。屏東實在是有夠遠的，坐甲尻川強欲必開才到位。共工作人員報到了後，就會使得佇海生館四界覘覘咧。內底除了有豔色的熱帶魚、美麗的珊瑚以外，閣有魴魚、鯊魚佻生做足古錐的倚鵝。予我印象上蓋深的是世界大欉的海菜，真正是生目睷毋捌看過。日頭的光線對面頂照落來，彼个畫面若親像咧拍電影全款，予我佇遮加翕足濟張

相片。

等活動開始了後，就有專業的導覽人員進行解說，恁逐家做伙箍一輾，予阮對暗時陪伴阮歇暝的生物有較深的了解。繼落來就去餐廳食暗頓，想袂到毋但菜色豐沛閣袂歹食。落尾，照報名的順序，家己摺棉襪被選擇下昏暗欲暝的所在。倒佇塗跤不時看著魚仔佇我的身軀邊汨來汨去，一下仔就暝去矣。早頓食了以後，猶閣有精彩的飼魚仔表演通好看。

佇海生館蹣一暝，誠實創造一个難忘的記持，後改我閣想欲去蹣倚鵝區，而且愛揀十月、十一月去。因為配合極地區域看會著日頭的時間，到暗時十一點電火攏是著的，會用得看倚鵝看到暝去，干焦想就感覺足幸福的。另日你若有機會去屏東耍，嘛愛去海生館蹣一暝試看覓咧喔！